

蘊
悒
閣
詩
集

蘊懔閣詩集自序

余年十一二時先君子授以作詩義法自漢魏樂府暨六朝唐宋人詩各選讀數千百首少長習制舉業功遂間斷及浮沈諸生中見所恃爲科名羔雁者心竊厭棄始發憤肆力于古今體詩時青浦王述庵先生主講婁東書院余以詩進質先生見而奇之謂異日大有造就益喜不自勝欲併力與古人相追逐乃家累叢積飢驅湖海又抱鮮民之痛熒影子立中心靈傷茫茫百感奔走燕齊吳越四千餘里年近五十方得一瓊于淮上十年浪走至是稍定而家庭多故愛子夭折慘變之來不可問天自念此身于生我者既負恩于我生者亦抱疚其悲悽愁苦之意時時形

之於詩而實爲詩之所不能盡達則以少壯時學詩之功
作輟無常或奪于浮名或困于衣食是以精神耗敝而卒
無所成也然而數十年來情性之所寄託蹤跡之所涉歷
與夫交遊親故盛衰聚散之感無不具乎其中則余之所
作雖不足傳而覽者猶得因其詩而悲其遇焉區區一編
所由竊自愛惜而不忍焚棄也道光六年歲在丙戌五月
朔日鎮洋盛大士書于射陽學舍

蘊愔閣詩集序

曩者胡蛟門向余言邑中有盛孝廉子履者英絕領袖之士也余乃介於蛟門而與之游見其爲人溫雅雋朗有袁彥伯崔長孺風致且工於詩旣而蛟門遽返道山余補官北上遇子履於長安邸舍因延館余家每當樞庭散直之暇輒翦燈煖酒日以唱酬爲懽及子履下第南歸余亦持節嶺外曾以書招之虞山之麓苦道遠弗得達虞山其舊遊地也故集中所載山水懷人諸作惟虞山爲多余與子履相睽久矣昨從虞山來慰我於銜恤堊廬之下握手涕泣不暇問其詩境之何若也暨公車歷碌又不得志而還始出其蘊愔閣詩集見示余讀其近年所著詩覺體格澗

變而所造益工夫以十年之間倏往倏來忽聚忽散而鄉里一二知心半皆彫謝則詩之於人也亦等諸雲煙過眼而已矣夫詩之爲道曰情曰辭辭有升降情則千古勿之有改子履之詩深於情而富於辭故能深婉豪健兼擅其長其追金琢玉璀璨瑰麗則才人之詩也其含吐抑揚醜釀深厚則詩人之詩也余學詩三十年茫無所得卽偶有所得僅止於此然後知詩非易爲也不造微不足以名家故唐人盡一生之力爲之以子履之性癖耽詩極其歲月詣力當必有斲輪於甘苦之外而卓然成一家者余安能量其所到哉子履贈人詩不云乎浮生碌碌盡似鴻毛輕吾儕終當爭此身後千秋名亦可以觀其志之所在矣

嘉慶甲戌冬至日同里汪彥博書於養泉齋

余與子履聚而復別別而復聚者蓋十餘年於茲矣猶憶京邸初晤時諸同人皆揣摹制舉日不暇給子履獨鎮日高歌客有談及俗學者子履卽掩耳疾走蓋其天性超曠視榮利如敝屣雖屢赴都門意在於尋詩而不在於科第也夫千古推爲詩聖者莫如杜少陵而善學杜陵者莫如元遺山今子履出入百家而其大旨則以杜陵爲祖以遺山爲宗凡動息勞佚悲歡離合感時觸事一寓於詩讀之可以知其性情之正矣古人云詩須得江山之助又必讀破萬卷延覽才俊以擴其見聞子履才分過人博通羣籍尤長於史學中年以後往來南北數千里齊魯燕趙吳越

之間所與遊者皆海內諸名士所見愈濶詩境愈高能含
老氣於秀色之中能發逸情於埃簡之外沉雄激越跌宕
淋漓斷非世俗之研揣聲病者所能測其津涯窺其堂奧
也余之序子履詩以嘉慶壬申而止其癸酉以後藁彼時
尚未之見僅執前序以例君詩猶未足以盡君詩之妙也
因不辭蕪拙而更贅數語嘉慶戊寅夏五汪彥博書於京
寓之藤花館

子童子時卽識先生之爲人稍長讀先生詩文襍著益厭
沫不能已其時先生之詩近體學西崑古體學長慶如時
華美女珊瑚木難鮮新華曜爲一時流輩所推挹後十餘
年先生旣奔走於衣食而子亦時時去家不數見見則詢

近狀匆匆別去未嘗一言及於詩甲戌計偕至京與先生同寓宣南旅舍因得盡讀先生之詩其氣盤薄鬱積蝨蝓葵蕤觀者徒覩瑰眩目莫得昨岸其辭則連牻譎縱恣自喜出入於昌黎昌谷而時委迤於歐梅范陸間始嘆先生之得於此者深而舊日之風華綺麗所知於先生者非其至也旋里後先生依觀察使何公於浙中縱游浙東西諸名勝是時余在吳門又不得繼見者二年往歲始相約北行途中抵掌譚藝宿願畢償每一登覽則長篇短歌累贈互答渡河而北晤畢子筠於下邳司登兖州南樓遂至曲阜觀孔子廟堂車服禮器悠然見三代文章禮樂之遺意先生作紀游詩數篇皆沉深豪宕卓然自爲一家聆其

議論則以青蓮少陵昌黎遺山爲宗而追逐於建安黃初而上視其篋中舊作已刪去十之六七所存詩若干卷皆刊落浮華不屑屑於摹擬刻畫而淳古雄厚自然深造益其沉潛反復用力於此者三十年然後知其得之難而益信其傳之者久也且夫河之出於蔥嶺也紆迴漩折數萬里而放乎海木之生於豫章也雨淋日炙數百年而成乎材文章亦然鏗而不舍積而不可止則其發之言也愈光而行益遠近代詩人或行江河之末派而以爲不關才學獨榮性靈或揚王李之頰波則又欲割剝古書務爲奇崛其故在汲汲以獵時譽而未嘗求之於古人根柢之所在也然則讀先生之詩者其亦可以審所用力矣抑又有進

三君神明之律與情志通先生貌和而性峻與俗士遇去
之惟恐若晚年近五十連不得志於有司胸中曠然曾不
芥蒂自文章著述而外別無可以移所好者此豈無所得
而能然耶予與先生俱客京師斯夕相過從登臨俛仰時
以詠歌遺懷先生過以子爲知言而子亦似有所得遂忘
其慳繆牽綴而爲斯言同里徐元潤

蘊縈閣詩集題辭

一鞭席帽纔拂了，輭紅塵土看文杏雲邊碧。桃天上愁絕，芙蓉江渚莫問春。卿遺才事只湘水衡山鑿取。嗟十指朱絃七條冷，玉有人心許。千古錦囊留得綠，章佳句記吾谷花濃向。湖杯暖傳遍旗亭歌處。穎士奴憐香山，嫗解儂也。兩眉軒舞暢好約海上成連。日日刺船聽去。

右調十二郎

嘉慶甲戌九秋同里甘亭居士彭兆蓀題于小謨觴館

蘇慊閣詩集總目

卷第一

癸丑至
巳未

古今體詩七十五首

卷第二

庚申至
甲子

古今體詩六十九首

卷第三

乙丑至
丁卯

古今體詩五十四首

卷第四

戊辰至
巳巳

古今體詩七十三首

卷第五

巳巳至
壬申

古今體詩五十八首

卷第六

癸酉至甲戌

古今體詩七十五首

卷第七

乙亥

古今體詩七十八首

卷第八

丙子

古今體詩七十三首

卷第九

丁丑

古今體詩八十四首

卷第十

戊寅

古今體詩八十二首

卷第十一

己卯

古今體詩五十四首

卷第十二

庚辰

古今體詩七十一首

蘊懷閣詩集卷第一

鎮洋 盛大士 子履

癸丑

城南草堂雜詩

敞廬城之南地僻寡輪鞅農祥發土脉環舍多沃壤新畚
庠錢罇筐管載黍饌宵則荷月鉏晨或戴星往三時偶娛
嬉百穀曷蕃穰心苗盎春和元氣浩然養

東鄰數畝田汗萊半荒蕪官租不足償吏胥暮追呼售與
西鄰家硯者爲膏腴豈係地氣變勤惰人方殊霜風杭稻
熟落杵飄紅稈樂康無已太有酒消幾壺青陽轉地脉新
綠開春郭

實學建功業俗學驚名利心跡真偽分學術今古異聖賢
勤詩書匪爲溫飽計朝廷詔賢良所重在經濟辭賦技瓊
屑雕蟲壯夫棄抱膝卧空山側身小天地

朔風逐蠹雨入夜變作雪觀書坐拳足敗絮重似鐵茗鑪
撥殘灰炙手不知熱此時窮巷子炊煙或斷絕妻孥夜卧
薪晝起擁鶉結一袍不蔽體何以禦栗烈

中庭古槐樹有鳥巢其巔罡風摧林柯下上飛盤旋焚影
失所託哀鳴劇可憐皇天本至仁怙冒無頗偏覆載猶有
憾何以謀萬全富者粟比櫛貧者室磬懸安得惇獨民界
以百畝田廬并傳子孫永世保幹年

秋日遊梵鐘禪院

海天青不斷秋色上層樓落日澹沉雁迴風寒聚鷗榆黃
城堞迺竹翠寺門幽晚聽蒲半吼驚濤起石湫

潮音庵

蘭若東南勝滄江萬象清竹風吹海氣松月瀉潮聲徑僻
多花草僧閒少送迎客歸尋舊路樵舍一燈明

秋感十二首

秋心抱寒月流光入虛幃却照孤坐影鐙前兩依依靜居
契恬尚迴與世事違觀書證心得理解涵精微欲求今者
是須辨昔者非夢游太空際天風掃陰霏河漢不可渡白
雲自孤飛

寂寂四山暮啾啾百鳥哀木葉自黃落匪爲秋風摧金柔

火易爍石爛山易墮奚况蒲柳姿歲月能幾回吾將挽羲
鞭良晨暫徘徊有酒且歡飲浩歌臨高臺

秋山澹於墨不辨雲有無中藏萬壑松高下相盤紆態遠
意若近骨瘦神彌腴開軒豁吟眸筇杖欣相扶羣鳧水中
聚一雁天邊孤物情各有托亮茲族類殊吾其審所與曠
懷斯人徒

山雨泥曉潤溪雲迴晚晴草色青可憐一掬綠不盈傷彼
病黃蝶依依戀寒英三春桃李花一歲不再榮秋容獨婉
變慰此幽人情

雞鳴風雨夕秋思淒以苦良人會面稀一水千山阻衆芳
嘆將蕪及時采蘅杜却恐濶絕久兩情不相許中宵起徘

獨停琴悄無語

索居意不愜乃作西溪遊西溪有故人共此滄江秋擁書
坐日暮山翠空中浮回頭見飛鳥翻其下林邱銜來一紅
葉葉底斜陽留頓悟靜者靜相賞幽居幽勞生困塵鞅役
役奚所求

蟋蟀草間蟲能識秋氣悲夜長生客愁唧唧鳴孤帷冷夢
已如水更繁醒後思多情謝明月夜夜照階輝

南山榆葉黃北山楓樹紫叢竹青四時杳入碧雲裏登高
發浩想羨彼古無死朔風吹短髮撩亂不能理身無鷗風
翼何能舉千里

墓門生重陰夕露泣百草劉伶本酒徒一醉不知曉愁人

抱酒悲盛年容已槁垂死含苦辛奄忽不自保放曠聊復
爾憂傷令人老惟此不朽業修名古所寶

絲管皆春聲彈琴秋最宜秋意入琴趣尤在夜靜時松聲
古澗落竹影疎簾垂瀟湘煙水濶君行何所之碧天美人
夢惟有明月知

艾草不盈寸能滅蘭蕙香浮雲薄於縠能掩星河光凜凜
物候晚感感增感傷池流未成水簷瓦已着霜陰陽迭消
長備患宜周防

杖劍出門去四顧天蒼茫落日澹寒楓驚颺起枯桑前有
百丈淵欲渡愁無梁峻坂不可上猛虎深林藏平地亦險
阻矰繳滿路旁野田飛黃雀所志在稻梁鴻鵠殊冥冥于

厚任翱翔

甲寅

春郊晚歸

晨起愜勝覽晚歸日已冥
岼容低野樹城影落春星
小艇喧爭渡荒庵靜掩扃
吟懷何處托笛韻幾回聽

先大父維闇公幼精醫理樂善好施至老不倦
乾隆二十年里中大疫郡守王公設局延聘治疾全
活無算迄今城南故老猶有能詳言之者敬賦此
詩以誌先人之世澤於不衰

我祖清芬遠百年舊澤深
布衣壽世業宰相活人心
邑乘名垂昔州民感到今
春陽回大化秋癘掃重陰
效自收操

蘇情隱語身老
券貧還却贈金不辭昏暮叩遑避雨風侵舍北泉流并城南杏滿林梓桑敦厚誼松菊動高吟殘帙刊魚魯遺編走蠹蟬濟時留妙術裕後仰貽箴故里無喬木荒阡有暮禽
禁方三十卷零落涕霑襟

苦雨

海氣荒城六月寒愁雲苦霧望漫漫高原陡落千山澗平地爭迴百丈瀾把釣翻耽漁隱樂典衣聊辦腐儒餐汗田灑徧農人淚后土何時得再乾

家大人命詠閒居得秋字

世外溪山夢裏遊醒來身事類浮漚放懷湖海煙波澗寫目田園景物幽隙地有花堪破寂虛堂無月自生秋寒墮

故物吾家在隨分，盡鹽莫浪求。

過黃姑塘織女廟

渡頭古廟晚涼生，隱約前村牧笛聲。
小艇乍過雲半卷，疎星還在水邊明。

十丈紅牆斷復連，平橋流水漾澄鮮。
滄江石約尋詩伴，記別天孫又一年。

溪南晚眺和楊構莊丈樂韻

平野渺無際，蒼茫眼界寬。
沙隨孤雁沒，秋入片雲寒。
古渡歸漁艇，斜陽落釣竿。
村家招客憩，澆渴酒頻乾。

聞海上有警

怪雨腥風咽，怒潮盧循戰艦勢。
方驕樓臺蛟蜃迷，羣峽草

木蟲沙走百妖但使恩威能並用可知氛祲不難消東南
比戶愁征調佑舶江干嘆寂寥

海寧寺設粥歌爲于滄來郡守

鼇圖作

海寧寺在城西日慘慘風淒淒朝聞婦女哭暮聞嬰兒啼
抱布易粟者誰子一飽不救全家飢入城來行躑躅出城
去歸家速走告家人且勿哭明日城中設官粥譙樓四鼓
城門開使君騶從街前來夾道羣隨使君走挈榼提筐萬
千口懽呼老穉滿路衢仰視使君淚落如連珠冰天雪夜
寒威凜使君有酒不能飲明春二麥綠滿疇使君出郊四
眺一醉可以消千愁

京口舟次

曉發鐵甕城城頭日初吐嵐開千樹雲澗瀉前宵雨蘋花
媚滂漾鷗羣逐三五挂席望青山歸心入秋浦翻思渡江
來幾日風波阻沙邊邀酒羣釐中答漁父欲爲黃鵠飛短
翮不能舉百里嗟沉滯何論遠行苦

秋望

江天涵遠碧爽氣入秋晴竹外一山影松間萬壑聲閒鷗
淨水狎獨鶴御風行正欲據高詠舉頭明月生

謝臯羽竹如意歌

崖山鬼兵夜深畏血染千竿萬竿竹道人晞髮陽之阿斬
竹刻釵歌楚歌一枝枯竹擊石碎杜宇冬青月昏晦朱鳥
飛下嚴陵臺忠臣不死魂復來故人酌酒荒亭下秋篔簹

暗鮫珠瀉斷竹續竹啼烏鳶柴市草花青可憐

湯貞女詩有引

湯貞女嘉定薛涇人許嫁同里王

謙益

未嫁而夫卒貞女

往殮號泣如不欲生比還晝夜哭不飲食遂病病且殆語
父母曰兒死請葬王氏墓父母許之有頃卒訃於夫家舅
姑痛悼迎匱合葬小婁塘之原實乾隆九年九月某日事
也謙益有從子濤嘗述其事於余爲作詩以紀之

迢迢薛涇水百尺激寒漪湯氏有好女窈窕神僊姿山陰
貴家胄占協家人宜未裁台歎被條悼孤鸞離上堂拜父
母嗚咽紛涕洟夫君殮某日願往一視之出門登車去眯
目揚塵緇到門拜舅姑舅姑心愴悲昔日麩餅會紅錦鋪

儷皮今日泣瓊瑰總帳搖靈旗人家新嬾至騶從香輪馳
紅紗封玉臂蘭麝添衿襖嗟我新嬾來素輦曳縞綦一見
新嬾面引我心淒其新嬾聞此言不語涕漣洏擗踊視含
玉觀者長吁嘻比歸晝夜哭不知渴與飢從此嬰痼疾勢
若孤線危阿母心旁皇旦夕慮不支中夜三四起正值彌
留時問女欲何言問女欲何爲牀頭謝阿母永與大人辭
自兒生母家不逐兒童嬉大人甚憐愛賜我碧玉卮玉卮
光的皦彩奪明玻璃紅紋細生鱗隱約蟠雙螭薰以龍腦
香供以鳳尾芝覆以流珠盤盛以鬱金醅願言酹郎墓百
和煇松脂生來不識面地下長相思耐葬郎墓旁兒死心
亦怡返魂無竒香莫挽乘雲輜舅姑驚聞訃窀穸爲親治

迎匱謀合葬合葬婁塘睡婁塘水潺湲豐艸綠滿陂矢志
貫金石終古留殘碑

乙卯

江村

江村三日雨野水一篙平夾岸楊柳綠滿林春鳥鳴偶尋
高士宅獨傍青溪行可望不可卽悠然移我情

過田家

攜筇過南陌閒叩田家扉繞屋樹交蔭到門花亂飛佐觴
銀線潔舉筋鱖魚肥日暮歸途晚清風冷葛衣

古意

明月照儂影金鏡照儂面鏡比月多情令儂常自見

子夜歌

歡言夜未央
儂恨天將曙
明月照歡來
殘星送歡去
歡似簷上燕
去來無定期
今夜歡去早
昨夜歡來遲

王孫遊

櫻桃紅欲綻
楊柳綠垂絲
芳草雖云歇
君歸猶未遲

休洗紅二章

休洗紅洗多
紅色改舊紅
日棄遺新紅
尋鬪彩人情厭
故競喜新故人
昔亦爲新人

休洗紅洗紅
紅頰濕落紅
隨逝波入水
紅難拾一水分
作東西流別時
紅顏今白頭

積雨書懷

日日重雲罨水隈，溪聲爭挾雨聲來。
却看絕壑通舟楫，卽恐汗田沒草萊。
澤國鶯花原綺麗，江鄉鴻雁足矜哀。
柴扃寂寞黃昏後，愁對簷鐙泛綠醅。

丙辰

早春遊璜溪集飲友人齋中

小艇東風遊興催，故人喜我抱琴來。
春塘十里水初漲，薄雪半林花欲開。
雄逞談鋒銷短燭，苦搜詩思吸殘杯。
明朝溪口別君去，折取一枝綠萼梅。

寶劍篇

扶桑日射鼇山紅，后羿不敢彎強弓。
八方精氣聚一處，洪爐九轉鎔精銅。
豐城石函歲月古，誰致華陰一囊土。
血痕

鑿滛苔花封尙有虬龍赤霄舞掣電流星闐闐開排雲涌
現金銀臺飛廉扇炭寶光吐不使神物埋蒿萊卽今殺氣
連秦蜀白晝殤魂向人哭陰厓萬樹刀兵聲淚竹愁花慘
心目軍門奏凱夾道呼左提純鉤右湛盧斫取雌虺擒雄
狐大排蘭綺錦繡鋪鐵甲照耀紅珊瑚

書感

古者男子生門設弧矢六春秋數干戈武事幼習熟奈何
今之人韜畧不寓目文武分兩途書生半庸碌我慕小戎
詩君子溫如玉騏驎駕六轡勒環耀五檠傳聞荆楚寇鋌
險竄秦蜀願隨羽林軍馘獻戎醜速

哭姊氏

慈顏髻髻背癸影泣昏晨况復寡兄弟同君歷苦辛出閨
爲健頰中歲作陳人未忍除喪服臨風獨愴神

呈王少司寇述庵先生

海內文章伯江東大道王雅輪扶隻手古殿歸靈光道洽
中朝望身逢景祚昌晚歸耽著述舒嘯泖湖莊
絕域南荒徼書生遇合竒棄繻關路迴磨盾羽書馳瘴癘
消皮骨星霜感鬢絲斗狼箐萬里名氏勒韓碑

從軍班定遠投筆竟封侯事業輝青史功名半白頭九天
隆迪簡元老倚襄猷

謂阿文成公

郊勞臺高築刀鏃夜月秋

寰海烽煙息旌麾畀任專旅燹歸職貢召虎効旬宣錫
命邀殊寵安車禮大賢昔年疏廣受盛事到今傳

車馬江干駐騷壇，屬九峯星瀾迴學海。山斗仰儒宗，千叟
天厨賚三春。帝澤濃，神仙挺鸞鶴，未改舊時容。

答東錢同人茂才 侗

乍合延津劍，龍門快並登。君與余同受業於述庵先生之門酒懷爭跌宕

流輩已飛騰。詩補昔年稿，寒消半夜鐙。秦中頻報警，閒坐
百憂增。

遣悶

中澤哀鴻日夜鳴，閉門風雨百愁生。文章聊遣窮居悶，懷
抱空憑濁酒傾。近水落花迷客棹，遠天飛絮失春城。東南
和賦征輸惡，聞道秦川正用兵。

黃塵苦霧盡妖氛，閣道褒斜壓陣雲。盪寇兵曾疲百戰，總

戎威自震三軍臨邊王綰新持節開府哥舒舊策勲聚米
畫沙歸 廟算侈談韜畧笑紛紛

蟻聚蜂屯勢蔓延撫循悔失事機先將軍灞上真兒戲野
老江頭欲涕漣戎馬關山須努力征衣風雪又經年何堪
落日高原望巫峽猿啼絕可憐

滄江風月獨登樓野色蒼茫攪客愁已見旌旗連漢廣又
傳烽燧到中州承平武備疎羣牧社稷元勲仗老謀莫笑
空言無寸補書生還切杞人憂

丁巳

二月四日陸茂才

錫瑞

招飲城西別墅對雪分得

紅字

春江吹盡梅花風欲雨不雨天濛濛城西陸子頗愛客東
醪酌對花惺忪螺卮浮甘鴈壺覆釘盤鮓菜烹葵菘開門
豔雪千萬片世界恍入冰壺中朱簾初卷篆煙碧綠酒自
照簷鏗紅太空不留一點滓大斗足洗千秋胸酣歌頓令
寒意破但覺春氣含冲融君詩翻如舞峽蝶點綴巧奪滕
王工玉殿銀臺路幾重美人遙在蓬萊宮東方漸高日初
吐青山更有嫣然容

春雲曲

春雲開曉紅半天璿臺玉洞花翩翩美人隔花玉齒笑捧
出行波宮樣牋雲鬢綽約珮寶璐層樓圍繞珊瑚樹縹緲
羅浮蝴蝶衣玉鉤靜鎖留春住昨宵我夢游天台飛泉寒

翠流石苔虹梁架空一千丈
漏現紺碧金銀臺倚雲灌
僊露瑤草玲瓏栽披雲散香霧
羅帳蕨蕤開醒來日出樽桑
曉花光歷亂紅雲繞花落隨風
化彩雲春來何遲春去早
君不見碧桃干樹雲低迷滿地
綠陰鳥亂啼

題駿馬圖

飛黃伏槽櫪下與凡馬羣世無
鉗且御神駿丹青僅見曹
將軍筆驅浮雲閃赤電沛艾騰
驥絕絢練驪黃萬匹一洗
空眼底神龍手中變墨彩疑含
黃澤沙金光吸取精銅鍊
氣吞虹梁筍五雲鬣剪天花散
千片吾聞神工妙技能通
靈願天速降房駟星鞭策駑駘
換凡骨肖此倣儻權奇形
涼秋八九月白草迷郊垆鐵衣
雪皚皚玉帳雲冥冥朝馳

秦關暮已蜀驍騰捷躡如雷霆渴飲戰血沫流赭生斫我
首獻
帝廷封狐竄死狡兔滅虎旅歸鞍謁金闕麟閣
高懸駿馬圖颯爽雄姿耀日月

秋夜曲

秋山雨霽秋風香秋天月皎秋夜長凭欄望月夜將半灑
灑露濕芙蓉裳芙蓉爲裳蘭茝佩流珠百琲瑤瑤碎窈窕
璇閨雲母屏懷人今夕空愁對愁對雲屏可奈何獨將幽
恨問姮娥班姬綵帳悲團扇趙女金箏鏡翠蛾嫋嫋秋風
臨別渚盈盈秋水漾輕波輕波如練月千里月淨沙明鷗
不起蘭橈舟迴蓮子香漁歌隱約輕雲裏輕雲蕩漾水東
西烏鵲橋邊路不迷七寶香車停翠幄九華鐙影覆金隄

是時羣真降僊躡璇宮樂奏清商曲玉洞花濃舞裏低銅
荷燭燼雙鬟綠雙鬟舞裏影踟躕十二層樓甲帳懸天上
絳河原有路人間青鳥悵無緣誰家怨女粧樓望秋來見
月增惆悵甲煎香凝玳瑁簪辛夷露灑流蘇帳流蘇帳冷
月華秋纖手玲瓏捲幔鈎薄病多愁彈別鶴含情不語望
牽牛可憐玉顏紅易減可憐秋色遞如流祇看落月銀河
畔今宵又減清輝半愁絕征人塞上行鄉心夢斷垂楊畔
垂楊垂柳縮離情秋盡空山夜氣清此時彈箏牽別恨此
時吹笛送離聲王孫芳草遊將倦少婦金閨夢不成金閨
冷澹鴛鴦枕羅幃緘怨相思甚倚檻頻聞永夜更當窻自
織迴文錦迴文欲寄路迢迢一曲箜篌訴寂寥青鸞鏡裏

寒蟬鬢紅泪壺中濕絳綃玉壺鸞鏡長相憶修眉深鎖愁
何極蕭颯霜颼吹井梧關情無限傷秋色秋深夜靜掩絳
幃月照離人影轉遲山遙水遠鴻雁少太息思君君未知

戊午

述懷

束髮愛讀書意氣頗自負文章奇字崇落筆龍蛇走鑿險
闕真境懸河誇辨口進銳戒退速博綜尙約守稽田輟耒
耨苗稼雜稂莠梓材廢樸斲丹青變昏黝白日駒過隙吾
其知之否

少小丁運厄八歲失母氏上承世父祧下鮮兄與弟嗣母
如吾母無母而有恃機杼鳴寒風五夜墮十指慈烏啞啞

啼銜哀痛沒齒生前不能養身後長已矣何以報劬勞
顏爲人子

古交重直諒多聞集羣益獨學孤且陋疑義孰辨析吾儕
二三子風誼貫金石易地作師保彼此互刻責友或抱玷
瑕吾亦攻其隙朋好藥石我握中寶元璧春暄景氣和秋
晚霜華白願爲芝與蘭願爲松與柏

塗松道中作

塗松枕七浦地瀕東海陬炊煙叢竹林人影蘆花洲遙青
澹若洗近綠濃盡浮古隴鬱衆翠匝天盤松楸霜禽巢其
顛重重結岑樓虬藤斷欲墮龍幹拳抱鉤匪山亦崔巍無
風自颺颺落葉挾惡雨爭送寒潮流前沙連後灘隔岫不

見舟孤帆出林際微聞櫓聲柔俛仰豁遠目萬象澄高秋
畢然邇往蹟父老詳其由北宋元豐間列肆民居稠估船
揚竿旗雜選百貨投元季爭割據此地蘆戈矛築城防寇
兵泱莽風雲愁澹桑屢變遷海表開雄州袤延地沃饒禾
稼盈良疇比年泥沙淤靈潦妨耒耨支河塞荒茅狹若滄
與溝虹梁卧其上虛置同贅疣哀哉中澤鴻羣飛鳴啾啾
東南賦斂重疾苦難遽瘳昨讀寬大詔輸租待來甦
願避窮困毗惡獻疏淪謀高下利蓄洩未雨先綢繆豐年
有高廩儉歲無歉收包羔酌斗酒比戶騰懽謳我身憐飄
蓬世事真浮鷗移家此中住亦足消煩憂

己未

春雷篇

青旗蔭華甸蒼鶴騰祥麟九霄霈天酒萬象開陽春中田
藝黍稷芄芄競懷新抽芽疊青玉吐穗環綠雲初歲緯厥
耒合耦農力勤能使田畷喜無勞遂人巡莠草潛萌句僞
者能亂真一陰卦占姤初生象爲屯春陽布膏澤同受栽
培恩茁蘖漸柔茂滋蔓旋輪囷橫攢且旁突亂絲萬緒勞
欲藉膏沃壤據作要路津郊原一以眺野色迷黃昏老農
輟耒嘆棘手不可耘天威勃然怒雷車走麟麟烈風摧其
條電火燒其根青燕飛赤焰一炬騰煙熅嘉種實穎粟漑
以雨露頻農夫攜婦子額手交懼忻嘗稽草人職周禮灋
具陳辭剛利用牛鹹渴利用貍餘根作糞種勿使成荆榛

稂莠雖誅鋤亦感皇天仁五穀種之美無雜莠稗羣早晚
盼成熟稌黍高下均楚茨籥奏雅土鼓詩歛幽泉貨國用
饒保聚民風淳苾芬潔享祀簠簋歆神人

有感

戎馬何時息西川寇未平安全無善策戰伐有威名野戍
紛屯牧巖關盡列營從軍遊俠子幾載失春耕

龍虎榮分節貔貅銳出師 聖心誰仰體民隱切周咨

風惡荒村柝雲昏大將旗二年勞破斧應悔獻俘遲

病愈偶成

牕月延虛幌燈花照獨眠瘦吟憐病後苦調得秋先舊雨
暎芳訊新寒擁傲瓊鄰雜催夢醒晨起理殘編

送人入蜀中

自昔蠶叢路深山竄虎狼請纓馳戰壘磨盾耀軍行草木
烽煙氣風雲俠少裝紅閨含別淚愁絕鬱金堂

鼙鼓秦關震旌旗劍閣來壯懷思報國幕府正求才白
草村煙斷青磷鬼嘯哀生還吾望汝醉飲夜光杯

茜溪

小寒食後雨如煙畧約畝斜艤釣船野水一村花半落春
風兩岸柳三眠

咏斑竹扇

竹扇齊紈飾團欒製最工淚痕猶未減何忍對秋風

遊法雲庵

古寺臨清澗，莓苔上竹床。
一聲檀板叩花影，澹聞香。

香塘與友人別途中口占

與君一別香塘路，指點帆山落照紅。
行到帆山復回首，香塘遙在暮雲中。

寓感

蘭生空谷中，幽香入骨髓。
移向庭堦栽，服媚人如此。人愛幽蘭香，我弔香蘭死。

美人愛折花，繁英滿羅幕。
獨有芳杜蘅，山中春寂寞。
折花花易萎，養花花自若。
留取異時折，美人情不薄。

崑山閣詩集卷第一

蘊懷閣詩集卷第二

鎮洋 盛大士 子履

庚申

青溪行

青溪板橋澹夕陽
桃根桃葉生冷香
九曲愁腸斷難續
溪水依舊年年綠
流出琴聲韻淒咽
江南梅花古離別
花開遲花落早去
颿多歸颿少不辨
長亭與短亭
秋林兩岸丹楓老

邀笛步

曹碑蘚泥罨寒綠
淒斷柯亭一枝竹
桅鐙紅笑桓使君
籬籠響流銀漢雲
鴨鵝慘啼凍蟾立
山鬼自向枯松泣
靡蕪

澹白菖蒲青溪頭寂無人語聲

莫愁湖

石頭城邊暮雲紫飛入湖心散成綺
兩槳蘋花裊翠煙權歌發處秋風起
零香墜粉舊紅樓湖名莫愁人自愁
山愁青水愁綠六代官家號莫愁
美人濃笑芙蓉縵

曉起同蔡茂才春霖登報恩寺浮屠

高塔鎮金陵飛甍竦而峭清晨攜伴遊
搜身縱遠眺石梯九層轉下坦上漸
拗曲闌抱鐵索一柱掛若倒側足股已
慄咋舌頭亦掉勢比累卵危氣復一
鼓譟後顧徑路絕前瞻鬼神導口吸
雲霞蒸足躡鴉鵲噪璫璫駕旣旣曜
靈五色照林莽煙霧濃麾之不敢到
太空搖光晶四顧指而笑

萬井列畫屏畫工失其妙雄埋百丈巖城濠四面繞長江
限南北地勢扼衝要荒榛何代陵斷瓦何年廟西風栗栗
黃六朝一詩弔

胭脂井

辱井宮妃匿低鬟落翠綰胭脂紅半減猶被晉王憐

遊金山寺

高汗江濤流茲山枕其面峻介天地壯神采高下絢礫礪
挺竒秀屣屣鬱葱禱蒼茫蔚靄中萬象儻况變推蓬露金
碧一望眼光眩泊舟入寺門粗敘所經見繞廊鋪文甃石
齒貫銅線精舍繚以曲簾洞瀑絲濺皚皚犀疊屏熠熠象
羅薦如來闍法音梵唄響會院蘭陀聳孤圓松嶺累重甍

塔搖九子鈴一一巧貫穿陸離五色芒疑是女媧鍊日輪
浮虹梁雲氣落紺殿花織鮫宮綃藤垂虎魄釧異栴襍亭
臺一覽惜未徧攝衣升其巔快哉大觀擅九點齊州煙遙
青隱而現疊嶂爭拱揖層巒列簪弁分晰賓與主部署貴
與賤蹲或作伏熊騰忽驚鬪贊左如倚鹿麕右若搏猥狺
斑斑文雉翔鞦韆巨鼇抃兀兀駭愕貽冥冥震暝眴碧雲
撐空天山容婉兮變玉女鳳幘披僊官鵠袍袪微聞珠翠
香恍飢瑤席醺蠟屐着幾兩到此掃煩惱倦下瞰九迴淵澹
溼繞吳甸資深逢其源奔注至必洊飛瀑聲响雷暴灑勢
激電珊鉤徑寸珠石簪百尺練十幅衝雨帆五兩候風扇
飈竿揚旂旆水驛捷郵傳蝨蚪吞夕霧騰蛟吐晨暉垂翹

走蛟螭現層巖羸蜺欲窮萬怪狀恐被江神譴憑高望八
極一覽日則壯遊快平生奇絕足於街樹惹山氣佳險
阻地勢便陰崖撼鼓擊絕壑藏弓箭鳥號勁控縱犀兕利
殲刺死綏石頭袁廢兵姑孰下鬼燐飛寒湫佛鐙照苦戰
長鯨曳尾逃老龍掉頭顛靈威震殞紘毒熾不敢煽

盛朝廣懷柔寰海慶恬宴蜀塞馘戎醜楚山縛狂猿蘭錡
耀弩戟暢轂整鞅鞣江鄉騰歡謳澤國洽儻忭亘古青山
青萬木鬱霧澗銳嶠卧苻婁堂塗茁茁春暄紅繡茵夏
雨綠滇渺冬嶺雲重重石室積銀霰茲遊值涼秋選勝愜
懷羨林表夕照微欲去屢瞻戀攜筇甫歸舟篙師悉引牽
回頭望山色煙靄萬千片傾我古錦囊拭我蒼玉硯飛來

江上月清輝照詩卷

舟行口占

一峰送客數峰留，遠岫浮煙近岫收。
疎柳自圍溪上屋，圓沙不礙水邊舟。
人來白下多懷古，我看青山獨愛秋。
翹首秣陵煙樹裏，滿空雪浪拍鳧鷗。

呈錢宮詹竹汀先生

著述千秋事，名山絕業成。
文章唐吏部，禮樂漢諸生。
道貌溢真趣，古懽無俗情。
萬鈞發洪響，大小叩皆鳴。

滬瀆舟次

遠夢碧天外，孤舟滄海東。
潮迴爭挾雨，樹暗欲生風。
城郭千家合，樓船百粵通。
此鄉民足食，吏治易成功。

海上

海上扁舟客澆愁酒獨傾
魚龍晴有氣鸞鶴夜無聲
岼柳春將轉山花歲欲更
孤燈青髻影蕭瑟愧勞生

遊陸氏廢園

一帶野煙裏斜欄抱短亭
水衣無盡綠石髮自然青
詞客百年後樵童幾度經
砌蟲聲斷續淒切不堪聽

渡黃浦

平野青浮岼洪流百丈深
風聲響蓬背月影碎波心
海國魚龍夜霜天浩蕩唵
帆檣通嶺嶠萬里達航琛

辛酉

海虞客舍東吳儀部竹橋先生

蔚光

懸車中歲謝纓簪歸卧空山事苦吟與古爲徒無僞行憐
才如命有真心盡除薄俗交遊習不墜騷壇正始音一卷
梅花樓上月清光引我照虛襟
先生購得王元章梅花長
卷築樓貯之名梅花一卷
樓邀諸同人
觴詠其上

登虞山辛峯亭望海

我生徒爲海國民未識滄海波濤形側聞海虞之山可以
望大海攝衣直上辛峯亭茲亭勢窅兀上與青冥連筍輿
初停一放眼千丈萬丈茫無邊濛濛者霧耶羃羃者煙耶
蒼蒼者其青天耶煙耶非煙霧非霧但見接天一氣青雲
杳渺凌飛仙人空中一招手示我玉真峯頂之紅蓮龍
王之宮龍母殿倒挂金翠珠纏聯鮫人夜織綃百匹散作

天半紅霞鮮搏桑一枝花四照靈鏤洞啟鋪華筵海童爲
歌海女舞天酒滿泛真珠船鳳蓋鱗萃珠旗蜿蜒秀眉霜
雪皓齒粲然繞玉綬以高舉擊靈鼓而下旋琪花瑤島望
不見吾乃恍惚遊其間其間爲海雲爲海水爲海門爲海
市浩浩乎望洋而嘆驚而走者杳不知其幾千里攬身踞
危石縱目而久視遠岫廻青浮梁射紫一鶴摩霄天風四
起羌遺世以獨立羨古人之無死鼉鼉出沒大海東駭浪
震撼蓬萊宮天吳驚走罔象怒潛鱗攫爪吞長虹廓如靈
變倏幽暮百色妖露飛空濛萍流浮轉被漂溺一朝挂罟
岑嶽峯乃知洪流滌滄弗可以徑渡孰若升高遠望四顧
可以開心胸嗚呼安得騎鯨散髮入滄海開我千秋萬古

之心胸

壬戌

夏雲樓卽事和譚音

寂寂重陰晝掩門
主人有酒且同傾
客愁半爲看雲起
詩思多從話雨生
密樹萬重藏野寺
遠山一角露春城
農家聽罷林鳩喚
村北村南負耒耕

讀書夏雲樓示譚天成

春江浴晚霞溪樓
月先到
棊几擁芸帙
炳奪藜炬照座中
有譚生卓犖擅英
妙澄心淪靈源古
懷陋時好枯坐若
槁木與到卽狂叫
鴻辭騁瑰奇
隻字戒竊剽
矯龍升蟠拏渴
驥怒騰趨五嶽
撐嶙峋八極入
籠罩復求經世
具待奏儒

行效冥冥翔高穹落落渺同調名山千載業浮譽那肯釣
儒冠不誤身一任下士笑壯歲嘆顛顛幸汝年尙少勉旃
勤詩書知己藉酬報文章本小技汝已窮與窳更儲元圃
珍急整青雲料瑯嬛富寶笈瑤閭竦而峭回首海上月星
斗燦圓嶠

贈史茂才

慶全

語溪近日推詩人史君慶全字益村崢嶸奇骨傲冰雪屹
立健筆撐乾坤三間破屋東蟠螭椎結蓬頭四壁立窮愁
能使詩境高駸駸氣格凌風騷五十餘年抱詩癖繁霜滿
頭改髻毛擲掄不避路鬼笑飢寒那顧妻孥號君不見黃
金使人聲價重如此詩才亦何用殘編秃管困此生何論

身後千秋名嗚呼浮生碌碌盡似鴻毛輕吾儕終當爭此
身後千秋名

遊馬驚庵

春風過語溪吹綠瀉激激隔激花木深隱隱露崖厂密林
圍數弓層轉進以漸修廊青篠垂破扉白雲掩虛堂懸梵
鐘佛像肅且儼其旁有卧碑剝蝕字難辨偶陪老僧話夕
陽忽西崦頓使歸路迷咫尺若重險風聲撼石馬四野色
黯黯

語溪養社行

溪西擊鼓聲寥寥溪東鳴鉦迎社公喧呼塞道語雜呢有
酒不治兩耳聾形幢翠纛開前鋒招搖上駕十二龍操后

弄射十日弓毆疫鬼爲沙爲蟲霧之來下雲容容前飛廉
後驅豐隆颺玉蚪朝上清宮天韶大奏聞呼嵩玉屏珠箔
七寶籠錦繡錯落金芙蓉神保聿歸禮告終銅盤高蒸香
冥漾紅帷列炬圍重重白鬚老人髭髮童舞蹈來往無停
蹤巽颺倒傾臘醲醲饒梁粿黍盞有饒野牛肥臄爆與犁
間以菰稗兼葵菘宵深醉歸巖小舸叮囑強視迷矇矓鄰
家兒女懽笑濃禱神祝歲豐無凶五稼嘉熟神之功明春
吹灰候夾鐘賽神更竭田財供神曰嗟汝民愚蠢汝田不
足償租庸急簡稼罷勤耕農東方或憂杼袖空似此糜費
神其恫洞酌杯水精誠通或拜或跪或鞠躬神降之福慶
屢豐陰雨膏黍苗芃芃其比如櫛崇如壟

北新橋春望

半林殘花一溪水春盡江南三月裏
溪南移船溪北停斜陽渡頭楊柳青
渡頭家家種楊柳何處青帘賣春酒
輕風一路甕頭香犢背兒童笑招手

同史益村

慶全

譚半溪

音

湖涇泛舟分得五古限

七虞韻

春塘雨收霽一望綠滿湖湖涇泛扁舟
雙槳開煙蕪夾岸多榆柳點點浴水鳧
路轉葭菼邊水門曲且紆榜人引舟入
樹密雲模糊微聞清風香煙港浮菰蒲
須臾見村落環舍田膏腴提筐有饁
頰荷鋤有耕夫落日歸柴扉斗酒齊
懽呼竹籬兩三層編以荻與蘆篁苞翠
欲滴豆苗綠不枯

雜花飛滿堦，髣髴源圖春。游此停憩勝，侶同清娛客。歸
發浩唱渺焉思，黃虞相期築一廬。漁釣日夕俱，綠簑青箬
笠，共作煙霞徒。

譚半溪去歲喪子，今又兩女並殤，作詩慰之。

與吾同病竟如此，後喪兩女前喪子。嗟余長女甫毀齒，卧
疾淹旬卒不起。一子聰慧罕與比，纔及四齡忽殤矣。一子
正在襁褓裏，溘焉長逝隨兄姊。使我涕淚滴不止，憂從中
來不自已。兩月抱病在牀第，陡然猛省勿復爾。我所生者
先我死，生我者誰我所恃。余之勿畏從此始，吁嗟乎半溪
與我同病亦至此。

讀史記作

羸氏失其政楚漢爭逐鹿漢祖先入關收功乃神速義帝
若人存漢豈甘臣僕項王先殺之漢王發兵哭漢能用陰
謀弄楚於掌握哀哉楚重瞳烏江勢窮蹙不肯王江東英
雄真面目

鴻門饗軍士精銳不可當沛公一來見怒氣旋消亡直言
構讒者司馬曹無傷甲帳開華筵卮酒斟金觴三爵舉未
醕寶劍飛其旁君王自歡讌公等休倉皇不肯殺沛公度
量真帝王可憐如廁者疾走心驚惶

美人不忍離駿馬不忍棄慷慨下歌左右同下淚一片
真性情人人服其義所以魯父兄守死不肯貳王本封魯
公葬之於魯地漢王爲發哀同於哭義帝

太公爾何辜身與魚肉似若無項伯言難免刀俎死漢王
視乃公直一義帝耳萬一竟見殺縞素兵又起縞素兵卽
起追悔無及矣豈有老父身而反殉厥子

高祖晚年來兒女情何濃愛子不得立泣下歌飛鴻此曲
淒以悲大有垓下風音節雖稍變哀戚頗相同彌留牀第
問到此智計窮畢竟楚重瞳大王氣自雄

子房善導引飄飄有僊骨晚年棄人事閉門以養疾呂后
強要之南山招隱逸得非學仙成松喬與之匹偶從羣真
遊召之來帝室特假四皓名小試神仙術不然南山叟養
高非一日高祖重其名不能一屈膝何慕於太子一呼而

卽出

咏十國春秋

臨軒漫試入關詩采石浮梁竟濟師
會樹寶幢陪佛座又傳紗帽迓降旗
舍人侃直陳封事國主風流製豔辭
惆悵宮衣天水碧教坊侍女涕漣洏

徒把雄圖付子孫竟無一箭爲酬恩
競攜愛妾來戎閩忽報王師破劍門
佳節桃符工覓句劈箋花藥暗消魂
問誰待詔修降表李昊當年故事存

玉皇下降女巫身斗帳香霏內殿春
江左文書勞遠寄漢南符瑞笑紛陳
軍營枉自驅神象鐵索憑誰挽巨輪
唱罷羊頭二四曲海船無數載奇珍

玉册祥開六十年寶皇許作大羅仙
甘棠零落黃崎港華

萼摧殘白幟船
孽鬼漫勞宮裏視
歸郎穩向帳中眠
蕭牆禍水滔天湧
春燕分飛絕可憐

五代宮詞

玉人生小住渠亭
金谷花飛滿翠屏
憶得紅紗纔繫臂
彩雲一簇護輜駟

玉冊新頒御座前
內人扶病整花鈿
泰壇不見鑿輿駐
閭過春風廿四年

瓊花影殿日熹微
漠漠餘香罨繡帷
怪殺雕梁雙燕子
昭容牽起御牀衣

獻壽長隨聖母旁
碧琉璃襯酒痕香
自從內殿承恩後
徹夜笙歌侍晉王

靜鞭聲裏控花驄市肆巡行西復東採辦薪芻與蔬果半
充天府半中宮

水調歌頭御製成就中風韻最輕清玉簫永夜無停奏侍
婢偷呼亞子名

紅裙六幅曳輕羅新學琵琶唱艷歌樂部教師誰第一內
人傳喚敬新磨

花氣侵簾夜漏殘官娥沉醉坐團欒紅薇香露濃於酒清
供先朝翡翠盤

降龍仙仗跨金鼇薦福羣瞻佛殿高此是當年誰第宅許
州節度使溫韜

一笑傾城花見羞腰肢瘦損倚紅樓篋中檢出金千錠記

得將軍舊姓劉

官車晚出正倉皇忽報馮妃試豔粧却笑嬌癡新女婿雙
雙拜跪太妃旁

海棠花睡露華濃猶似當年鏡裏容斗帳香銷環珮冷侍
臣新署右飛龍

元宮詞

玉泉金水繞宮城闕下千官整轡行朝罷君王迴步輦鳴
鑾遙和珮環聲

畏吾兒殿枕延華璧月溶溶上絳紗團扇秋來怨搖落如
何又進玉虬花

直廬新接笑言溫軟繡春融麗正門一串珊瑚珠百琲白

絨繡出詔西番

薄醉花間解繡襦下階傳喚侍兒扶月光夜夜明如晝新
賜西洋塔納珠

馬上鞦韆逐彩輿冰花亂撒翠雲裾白翎一曲歡娛短如
殺當年碩德間

線珠亭子擬華清浴罷更衣解宿醒躬拜御牀呼萬歲君
王親賜兔胎羹

玉蟬喚水瀉潺湲瓊島依稀海上山行過紫城回首望紅
雲一朵繞龍顏

七寶然燈夜未殘一聲打弼過雲端殿前歡曲憑誰奏莫
把琵琶子細彈

多淡蛾眉楚楚腰四箱列坐最魂消內臣密啟云都赤免
使官家晏退朝

翠華昨夜駐泥河執役鷹房侍從多捧出御前金一錠海
青報道獲頭鵝

朔風捲地凍雲飛草淺龍沙看打圍獵取黃羊充御膳內
官立雪盡朱衣

邸第樓臺曙色開赤城霞起護天台銀塘水綠蛙聲寂懷
孟欣逢翟芾來

詐馬筵開酒滿樽鼠姑香浸月黃昏就中新沐椒房寵身
著紅衣號只孫

膳粉官亭景最幽春心應在殿西頭御溝亦有桃花水不

解新詩底處流

碧紗温室夜檮蒲紫菊花開貯玉壺忽報拔都陳奏牘大
官新染白髭鬚

金城蔥鬱氣佳哉駕幸灤都清暑臺二十六官齊納鉢貴
妃一路看山來

雕羽屏風暖氣回一聲羯鼓萬花開先朝莎草今何在芍
葯薔薇滿地栽

汲得寒漿滿玉卮貯看花雨散瑤墀西宮月色涼於水女
伴相邀拜帝師

癸亥

題李山人

世則

溪山積雪圖

琪花狼藉滿山陬古徑雲深凍不流爲問畫家原姓李不
妨喚作小營邱

題陸子若同年

學欽

所畫山水

天生風骨絕時趨書味沉酣入畫圖除却撐腸千萬卷更
無粉本費臨摹

甲子

苦雨

四野元雲合千溪濁浪翻鶯花迷醉夢煙樹失晨昏竹塢
籠愁霧藜牀濕漏痕龍蛇驚起陸危坐閉柴門

赤嶺巡街市江都術竟虛銜沙棲海鳥病濕困河魚詩興
催租敗朋交會面疎萑苻滋草竊何以靖鄉閭

雨夜偕李山人世則宿長真閣贈孫子瀟孝廉源

湘卽次李山人韻

別君纔浹日忽忽起離思
雨同相訪高齋好賦詩
更殘黃葉寺秋老碧梧枝
曉起開新霽登山猶未遲

雨後同孫孝廉李山人破龍澗觀泉卽事成詩用
常少府韻

龍爪破空去腥風尙滿林
泉飛千嶂迴雲卧一龕深
但覺山水樂頓忘塵世心
僧房琴挂壁激宕發清音

子瀟齋中同李山人及其子馨合作冒雨訪友圖
明日遊破山寺歸復合寫小幀卽題其後

清秋多曠懷素心慰寥慄
晨遊破山寺攬勝遇佳日
山容

美人新浴試梳櫛畫家得妙境却恐覲面失磨墨急濡
染勢若飛鳥疾相爭不相讓精神聚成一重披昨日圖煙
樹補數筆亂頭麤服中真趣自橫溢難窮山勢峭頗得秋
興逸圖中聽雨人呼之不肯出

盛子履孝廉偕李味霞山人及味霞之子小霞下榻
心青館合作冒雨訪友圖

昭文孫源湘

諸君皆山人來訪山中友山中多白雲無心自相偶
飽喫黃米飯痛飲老白酒果腹各訢然濃磨墨一斗
初作澹峯巒繼具遠林藪小溪殊自佳老樹亦不醜
忽然風雨來煙雲筆端走煙雲變滅中化出千萬阜

不知何山頭出自阿誰手我屋在崖邊君舟在溪口
圖中兩三人亦不辨誰某或云高房山或云黃子久
一笑姑置之且酌酒盈佐